



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

Cap. XXIV.

urn:nbn:de:hbz:466:1-10805

ex eo Eucharistia conficiatur. Memini etiam me legiſle peculiares olim vineas Ecclesiæ traditas, ut ex illis optimum vinum fieret in uſum ſacrificii. S. Remigius, teſte Flodoardo lib. 1. hift. *Remenſ. cap. 18.* vineam reliquit, ut inde vinum diebus Dominicis, & alii feliſis ſacris altaribus offeretur. Ibas Edeffenus in synodo Berytenſi acuſatus fuit quod vinum vile in uſum ſacrificii präbereret. Qui vero ſunt hodierni mores in panis & vini präparatione; nimis notum omnibus eſt, nec me oportet in his enarrandi inutiliter occupari. Ceterū panis & vini duplex eſt präparatio: una remota, de qua hætenus actum eſt: altera proxima, cum ſacrificii iñſtat celebratio. Hæc à Latinis in ſacrificio peragitur quod attinet ad panem, poſta hoſtia ſuper patena, additifque particulis pro hiſ, qui ſacré communionis participes eſſe volunt. At vinum & aqua calici infunduntur cum oratione & benedictione immediate* ante offertorium, qui ritus ſuo loco explicabitur. Græcos quoque eamdem präparationem quondam in Scevophylacio ſive ſacratio peregrine docet Goar in notis ad Liturgiam Chryſtoſtomi n. 22. At ex Liturgiis quibus hodie utuntur, & ex communi eorum praxi conſtat manifeſtè, tam panem quam vinum in prothesi ab illis, ſive in minori altari, präparari; priuſquam Sacerdos & Miniftri ad Sanctum Bemam, quod eſt majus altare, ſacris uestibus induiti procedant. Olim cum panis fermentatus erat & justæ magnitudinis, diſectis ex ipſo tot partibus, quot erant neceſſariae ad ſacrificium & ad fidelium communionem; ipſius reſiduum in alias partes ſcindi, & hiſ qui non communicaverant in fine Miffæ diſtribui ſolebat, qui ritus adhuc permanet in Ecclesiæ Orientali. Eulogiam vocant Graci, ſive benedictionem; & Antidoron, quia datur loco doni, ſive Eucharistiæ, quæ à sanctis Patribus donum nuncupatur. Eulogia nomen pro ipſa Eucharistiæ quandoque usurpatum reperitur, ut à Cyrillo Alex. epift. ad Nestorium: *Accedimus ad mysticas Eulogias & sanctificamur, participes facti ſacré carnis & pretiosi ſanguinis omnium nostrum Salvatoris Christi: & à Maximo martyre ad cap. 3. Eccl. hier. Elevans Sacerdos ſacrum panem, ostendebat Eulogiam dicens, Sancta Sanctis. Frequentius tamen ab ea diſtinguitur, tamquam id quod ejus vices aliquo modo ſupplebat.* Hoc concilium Nancetense indicat c. 9. decernens, ut Eulogiz in fine Miffæ iis, qui communicari parati non fuerint, diſtribuantur. Quod decretum quidam Canonum collectores S. Martyri & Pontifici Pio

* s. Poſt.

perperam tribuunt, non conſiderantes epiftolam ejus, e qua ſurbitur, eſſe ſuppoſitiam: nec adver- tentes ſecundo ſæculo, quo ille vixit, nondum fuiffe Eulogias in Ecclesiæ, de quibus Tertullianus, Cyprianus, & alii æquales ſilent, quia qui- cumque tunc aderant ſacrificio conmunicare ſolebant; Eulogia autem iñſtituta ſunt, ut hiſ da-rentur, qui mysteriorum participes fieri aut non poterant, aut nolebant. Eārum meminit Nazianzenus orat. in funere Patris. Concilium quoque Laodicenum paulo ante Nicænum ſub S. Silveſtro celebretum c. 14. prohibuit, ne ſancta iñſtar Eulogiarum in feſto Paſchæ ad alienas parœcias mitterentur: ubi Balsamon in ſcholiis Latini ri-tus ignarus Latinos calumniatur, ac ſi panem confeſcratum perinde ac communem diſtribuerent. Vera autem hujus canonis expositio ex ve-teris Ecclesiæ conſuetudine ſumenda eſt. Tanta enim erat mutua unionis & ſocietatis inter fide-les religio & zelus, ut ſi omnes de uno & eodem pane ab eodem Sacerdote confeſcrato participe-potuiffent, id libentissime in toto terrarum orbe feciſſent, quo ſic oſtenderent ſe omnes in Christo unum eſſe. Ideo non ſolùm Romanæ, ſicut ſuprā dixiſimus, ſed aliarum etiam quarundam Ecclesiæ-rum uſus fuit, ut ab Ecclesia primaria civitatis ipſa Euchariftia ad ſingulas parœcias ab Epifco-po mitteretur, quatenus ſcirent omnes, qui ab uno Epifcopo regebantur, ſe cum illo unum cor-pus efficeret. Id in Paſchali festivitate fieri vetuit ſynodus Laodicena, vel quia oportet omnes Presbyteros ea die Epifcopo celebranti cum plebe ſibi commiſſa adiſare, & ritu tunc uſitato cum eodem celebra-re: vel alia de cauſa nobis ignota. Cetera, quæ de Eulogiis, earumque uſu ac diſtributione diſcenda forent, pleniū Lib. II. per-tractabimus, cùm de Communione diſceremus.

CAPUT XXIV.

De ſacris indumentis Sacerdotum, Pontificum, & Miniftrorum. Peculiares uestes easque pre-tioſas ſacrum agentibus in uſu ſemper fuiffe. Quis olim earam color. Locus in quo conde-bantur, ejusque nomina. Diaconicon, Sce-vophylacion, Paſtophorion, Vestiarium, Sa-lutatorium. De ſingulis uestimentis ſeorsum agi-tur.

I. **S**acerdotem ſacris operaturum non com-muni, & quotidiano habitu, ſed alio pecu-liari,

liari , & augustinore uti oportere , notissimum est: quem ritum catholica Ecclesia ab Apostolis acceptum usque ad nostram transmisit extatē , quamvis in vestium numero & forma aliquid fuerit successu temporis immutatum. Præcesserat hujus rei typus in veteri testamento , nam Sacerdotibus & Levitis specialia vestimenta certis ritibus & ceremoniis consecrata in usu erant , cum legales Deo viætmas immolabant ; quorum antiquum in Ecclesia reperiri congruum fuit , ut habeant legales umbras aliquid sibi respondens non solum in coelestibus exemplaribus , ad quæ jussit Deus omnia fieri ; sed etiam in rebus nostris , quæ , ut ait Dionysius in ecclesiastica Hierarchia , partim sunt typi coelestium , partim Mosiacarum umbrarum corpora , testante Apostolo ad Hebr. 10 . quod habuerit lex umbram futurorum. Imò etiam in lege naturæ propria fuisse sacerdotibus indumenta , cum sacrificia Deo offerrent , auctores graves asseverant : & Hupertus Abbas lib. de incendo oppidi Tuitiensis cap. 16 . postquam dixit juri primogeniti annexam fuisse sacerdotii dignitatem , ad ipsum spectasse putat vestes Esau valde bonas , quibus Rebecca induit Jacob , cum simulans fratris personam benedictionem ei surripuit. Huc autem pertinet Penula a Paulo Troade relata , quam fuisse vestem sacerdotalem suo loco indicabo. Huc lamina , seu mitra episcopal , quam gestasse Ioannem Evangelistam Polycrates Ephesi Episcopus auctor est apud Eusebium lib. 3 . hist. cap. 8 r . Huc insulv. , quarum meminit Tertullianus lib. de Mognamis cap. 12 . Huc querelæ Optati Milevitani de profanatis à Donatistis Ecclesiæ ornamentis. Huc Stephani I. decretum , qui , ut ait Anastasius , sacerdotes & Levitas vestibus sacratis in usu quotidiano non uti , nisi tantum in Ecclesia constituit. Huc tunica , qua Presbyter Nopotianus in ministerio Christi utebatur , quam sibi relicta Hieronymus scribit in epist. de ejus morte ad Heliodorum. Huc eiusdem Hieronymi testimonium in cap. 44 . Ezechielis , ubi ait : Religio divina alterum habet in ministerio altaris , alterum in usu vita que communi. Huc deniq; exempla divinæ ultionis referenda adversus eos , qui sacræ vestibus abusus sunt , qualia legimus lib. 1 . Wandata & persecutionis , apud Victore de Proculo , qui cum divina ministeria , & Ecclesiæ ornamenta profanasset , sibi linguam frustatim comedens turpissima morte consumptus est : & apud Theodoreum lib. 2 . hist. Eccl. cap. 27 . de Thymelico saltatore , qui vestem sacraram in theatro gestans expiravit. Serica autem , atque auro argentoque contexta hæc indumenta

ut plurimum fuisse , præsertim post Constantium ex vitiis summorum Pontificum apud Anastasium , qui eorum donaria recenseret , & ex aliis scriptoribus haud obscurè colligimus : neque enim creditimus aliquid vile aut indecorum divini sacrificii visibus adhibuisse fideles , qui omnia ad ipsum sponte summa & incredibili veneratione proferebantur. De colore nihil memini me legisse , nisi quod candi in festis Paschalibus mentio sit à Gregorio Turon. in vita S. Nicetii Lugdunensis Episcopi : & nigri a Theodooro lectori , qui lib. 1 . Collectan. refert Acatium Constantinopolitanum seipsum , & sedem , & altare nigro amictu operi se in signum mestiriæ ob impium editum adversus synodum Chalcedonensem a Basilio Imperatore anno . 476 . promulgatum. Hieron. quoque lib. 1 . adv. Pelagianos candiæ vestis usum commemorat dicens , Quæ sunt rogo inimicitie contra Deum , situnicam habuero mundiorem ? Si Episcopus , Presbyter . Diaconus , & reliquæ ordo Ecclesiasticus in administrationes sacramentorum candida ueste processerint ? Fidelium vero tanta fuit , ut dixi , erga ipsas vestes & pallas altaris reverentia , ut mulieribus eas contingere vetitum sit c. 37 . concilii Antiochenensis , imo nec ingredi quidem in Secretarium , in quo illæ conservabantur , nisi soli ministri sacra poterant , sicut præcipit canon 66 . concilii Agathensis. Et ne quis auderet in propriis usus eas transferre , aut alijs vendere vel donare ; idque sub poena excommunicationis prohibuit concilium III . Braccarense can. 2 . II. Locus , in quo indumenta & vasæ sacra redunduntur , à Græcis Diaconicon , Scevophylacion , Pastophorion ; à Latinis Vestiarium , Secretarium , Sacrarium , & barbara voce Sacraria nuncupatur. Diaconi nomen passim hoc sensu reperitur in Euchologio : & Simeon Thessalonicensis describens Episcopi sacræ vestibus induiti comitatum usque ad altare ; Educitur , inquit , è Diacono , & Diacono ipsum præcedente , & de ducentibus Presbyteris dubius per portam templi dexteram & soleam iter agit usque ad sanctum Bema , id est altare . Scevophylaci , & Scevophylacis , id est custodis sacra supelleætilis mentio est apud Balsamonem in Nomocanonem Photii tit. 2 . cap. 2 . apud eundem Simeonem Thessalonicensem lib. de templo , & apud illos qui de dignitatibus Ecclesiæ Constantinopolitanæ differunt. At hodie Græci non in Diacono , sed in ipso Bemate sacræ vestibus ad peragenda divini officia induuntur : nec ullum habent Scevophylacion junctum Ecclesiæ , quia sacra vasæ & vestimenta in propriis ædibus , vel in loco tuiiori

tutori conservant, ut Leo Allatius observat in dissertatione *de Templis Græcorum recentiorum*. Pastophorium legimus 1 Machab. cap. 4. & 3. Esdræ c. 8. Radevicus Frisingensis lib. 4 de gestis Friderici cap. 13. *Vulpes*, inquit, & *Lepores* *Pastophoria Ecclesiae* & officinas canoniconicorum ingressæ. De Vestiario hæc habentur in ritu antiquo Missæ apud Menardum pag. 273. *Sacerdos in vestuario, cætrique Ministri sanctis vestibus juxta ordinem induantur.* Et in restituzione Ebonis Remensis in notis, *Ductus est Ebbo Episcopus in vestiarium, & induitus episcopalibus vestimentis, similiter & alii Episcopi processerunt cum eo ad celebrationem Missæ.* Secretariorum vox passim occurrit in vītis Pontificum, ex quibus aliqui sepulti dicuntur prope Secretarium. Fortunatus in vita S. Radegundis, *Intrans in Secretarium Monachæ veste induitur.* Sacrarium sic definitur ab Ulpiano l. 1. Digestorum tit. 8. *Est locus in quo sacrare ponuntur.* Sumitur aliquando pro Presbyterio, quod solis Sacerdotibus, sacrificisque Ordinibus initiatis pervium, saecularibus inaccessum erat. Appellatur & Receptorum à Sidonio Apollinari l. 5. epist. 17. *Et nuntiatum est progrexi Episcopum de Receptorio, ad sacrum scilicet faciendum.* In Conc. Matisconensi I. c. 2. Salutatorium vocatur. Et Gregorius Magnus lib. 4. epist. 54. usum Pallii prescribens Mariniano Ravennæ Archiepiscopo, *Quo non aliter, ait, uti memineris, nisi in propria tua civitatis Ecclesia, dimissis jam filiis procedens à Salutatorio ad sacra Missarum solemnia celebranda: peractis vero Missis idem in Salutatorio curabit deponere.* Ex eo autem quod dicit, dimisit jam filios, illorum temporum consuetudinem intelligimus. Solebant enim Episcopi ante Missarum celebrationem in ipso loco sedere, & salutationes fidelium excipere, qui se illorum orationibus commendabant, aut aliquod negotium ipsius communicabant: quibus dimisitis, sacris vestibus induiti ad altare procedebant: atque hinc factum est, ut idem locus Salutatorium diceretur. Hoc & Presbyteri faciebat, teste Severo Sulpitio lib. 2. Dialog. cap. 1. ubi ait sedisse Presbyteros in Secretario, vel salutationibus vacantes, vel audiendis negotiis occupatos, dum interim S. Martinus eo munere fungi detrectans sibi soli vacaret. Ejusdem salutatoriū mēmīnit Gregorius Turonensis libro 2. hist. Franc. c. 21. & l. 7. c. 22. in utroque loco indicans Episcopos ac Presbyteros interdum in eo mansionem habuisse. Græci sacerdotes, quoties rem divinam acturi sacra sumunt indumenta, ea solent benedicere & osculari, ut ex

ordine Liturgiæ S. Johannis Chrysostomi constat: nec in eorum Euchologio ulla extat oratio ad ipsa semel & universim cultui divino dedicanda. At verò Latini postquam ea præscriptis verbis benedixerunt, benedictionem non repetunt; sed amictum dumtaxat; manipulum, & stolam in medio, ubi crux afflita vel texta est, osculantur. In Missa tamen veteri, quam ex codice Ratoldi Abbatis Corbiensis libro Sacramentorum S. Gregorii adidit Menardus, Episcopus sacris operatus singula indumenta benedicit, deferente ea ministro & ante singula rogante, ut ipsa benedicat, sicut fert Græcorum mos. His præmissis ad omnia singillatim enucleanda transeundum est, eo ordine quo indui solent, à sacerdotalibus docto principio, quæ sunt sex, Amictus, Alba, Cingulum, Manipulus, Stola & Planeta.

De Amictu, ejusque usu & nominibus.

Dictus olim Anaboladium.

III. **P**rima vestis, quam sacerdos sumit, est Amictus, qui primum capiti, deinde humeris injicitur. Antiquus scriptor de ritibus veteris Ecclesiæ sub nomine Caroli Magni, *Post sandalias in Ecclesia vestimentis sequitur superhumeralē, quod fit ex lino purissimo.* Amalarius l. 2. cap. 17. *Amictus est primum vestimentum nostrum, quo collum undique cingimus.* Rupertus Abbas l. 1. de div. off. cap. 19. *Sacerdos in officio altaris Amictu caput suum obnubit.* Gemma animæ lib. 1. cap. 201. *Hinc humerale, quod in lege Ephod; apud nos Amictus dicitur, sibi imponit, Oculo caput & collum & humeros, unde & humerale dicitur, cooperit, & in pectore copulatum duabus vītis ad mammillas cingit.* Sunt quidam, qui Amictum ex holoserico vel aurea textura plagulam assunt colori & opificio casulæ sive stolaë consimilem; sed hujus assumenti nullum vestigium reperio apud antiquos scriptores. Ambrosiani tertio loco Amictum sumunt post Albam & Cingulum. Varia ei nomina tribuuntur, nam sicut vidimus, Humeralē vocatur, & per analogiam ad legaliū fæderotum indumenta, Ephod, quia ut Hieronymus docet epist. 128. ad Fabiolam, ubicumque in Exodo seu Levitico Superhumeralē legitur, apud Hebreos Ephod appellatur. Au verò Amictus noster idem prorsus sit cum Ephod veteris legis, quæstio anceps est, quam tractat Saussairus *Panoplia Sacerdotalis* parte 1. l. 4. c. 2. In Ordine Romano Ambolagium, rectius autem Anabolagium, sive Anaboladium

LII

nun-

nuncupatur: Anabole enim Græcè idem est ac Latinè Amictus. Isidor. lib. 19. Orig. cap. 25. *Anaboladium*, inquit, *amictorium lineum fœminarum*, quo humeri operiuntur. Eadem voce utitur Ambrosius lib. de benedictionibus Patriarcharum, nam ubi nos legimus Gen. 49. *Lavabit in sanguine uva pallium suum*, ipse legit *Anabolodium suum*. S. Columba Virgo, cuius vita breviter reconsentur in Martyrologio Gallicano die ultima Decembris, ut à satellitibus spatiū orandi ante Martyrium imperaret, dedit eis Anabolarium suum, quod pallii sericei genus Sauffaius interpretatur.

De Alba & Cingulo. Alba nomen unde. Dicta etiam Camisia. Linea tunicæ usus apud Ethnicos.

Linea tunica talaris erat prima vestis sacerdotalis in veteri Testamento, quæ nobis secunda est. Græcè Poderis dicitur, quia descendit usque ad pedes, quos illi podas vocant. Paulinus Tyriorum episcopus orat. habitam in tempi dedicatione apud Eusebium lib. 10. cap. 4. sic exorditur. *Amici & sacerdotes Dei, qui potere induiti estis, sacra scilicet tunica talaris, ut Latinus interpres loquitur. A scriptoribus ecclesiasticis Alba à colore nuncupatur: cuius nominis mentio fit in concilio Carthaginensi sub Anastasio I. can. 41. quo præcipitur, ut Diaconus tempore tantum oblationis vel lectionis Alba utatur. Et in Narbonensi sub Pelagio II. ubi decernitur, ne Diaconus aut subdiaconus vel lector, antequam Missa consummetur, Alba se præsumat exuere. Legitur quoque in Ordine Romano, & in tractatu de ritibus Ecclesiæ, quem sub nomine Caroli Magni edidit Wolfgangus Lazius. Alii Camisiam vocant. Amalarius lib. 2. cap. 18. Postea Camisiam induimus, quam Albam vocamus. Isidorus lib. 19. originum cap. 21. Poderis est tunica sacerdotalis linea corpori astrincta usque ad pedes descendens. Hæc vulgo Camisia vocatur. Et sequenti, Camisias, inquit, vocamus, quod in his dormimus in Camis, id est in stratis nostris. Camisia igitur nomen ei tributum, quia similis est tunicae lineæ interiori, qua utimur in camis, id est in lectulis nostris. Camas enim dixerunt Græci strata humilia, & terræ propiora. Anastasius in vita Benedicti III. inter donaria, quæ Rex Saxorum misit Ecclesiæ S. Petri, enumerat Camisias albas signatas holosericas cum chrysolavo. Camisias autem auro clavatas non ad ornatum templi,*

ut credit Casaubonus, sed ad usum Sacerdotum sacrificantium comparatas observavit Ferrarius lib. 3. de re vestiaria c. 5. Neq; enim hinc agitur de tunicis lineis interioribus, in quibus aurum mitti Alexander apud Lampridium dementiam iudicabat propter auri rigorē & asperitatem; sed de Camisiis, quæ super alias vestes injiciuntur, in quibus auri rigor & asperitas gestantibus non est incommoda. Ordo Romanus, ubi loquitur de episcopi consecratione, *lineam fine addito vocat dicens, Induunt eum lineam & cingulum. Lineam vero tunicam etiam ab Ethnicis in sacris adhibitam testatur Apulejus in Apologia, Mundissima linei seges inter optimas fruges terra exorta, non modo induitui & amictui sanctissimis Ægyptiorum sacerdotibus, sed opertui quoque in rebus sacris usurpatur. Idem fabulæ Milesiæ lib. 2. sacerdotes describit lineæ vestis candore puro luminosos. De sacerdotibus Isidis nota sunt Ovidii carmina:*

*Nec tu linigeram fieri quid possit ad ifsim
Quaferis.*

Etabili:

Nunc Dea linigerâ colitur celeberrima turbâ.

Pythagorici quoque lineis vestibus utebantur, ut docet Schefferus lib. de Italica Philosophia cap. 14. de cuius rei causa interrogatus Apollonius apud Philostratum lib. 8. respondit, *Quia me terra quæ alit, etiam vestit. Et paulò post. Vestem quam à morticinis plerique ferunt non puram esse ratus Pythagoras, linea vesti usus est. Porrò Alba ne defluat & gressum impedit cingulo stringitur, quod in lege baltheus, à Græcis Zona dicitur. De ejus profano uero multa congerunt Sauffaius lib. 3. citata Panoplia, & Ferrarius lib. 1. de re vestiaria. Varias autem cingulorum formas describit Isidorus lib. 19. Originum cap. 33.*

De Manipulo. Olim Mappula, Sudarium, Fanon. Ejus forma, & usus.

V. **M**anipulus posterioris ævi additamenteum est, neque in antiquis Ritualibus commemoratur, nec à priscis Patribus inter sacras vestes recensetur. Erat autem linea fīdonīe mappula brachio sinistro alligata, qua sudor & fōrdes abstergebantur, ut illi paſſim testantur, qui de divinis officiis tractatus ediderunt. Alcuinus. *Mappula, quæ in sinistra parte gestatur, quæ pituitam oculorum, & narium detergimus, præsentem vitam designat, in qua superfluos*

fluos humores patimur. Amalarius lib. 2. cap. 24. Sudarium ad hoc portamus, ut eo detergamus sudorem. In manu sinistra portatur, ut ostendatur in temporali vita tedium nos pati superfici humoris. Robanus Maurus lib. 1. de Instit. Clericorum cap. 18. Quartum Sacerdotis indumentum Mappula sive manile est, quod vulgo Fano-nem vocant. Est autem Fano vox Saxonica, quae expansum vel extensum significat, ut docet Vossius lib. 2. de viis serm. cap. 7. In Ordine Romano qualiter Missa celebretur: Deinde Subdiaconus regionarius ponit Mappulam in sinistro brachio Pontificis super planetam. Tempore Gregorii Magni soli clerici Romanae Ecclesiae Mappulis utebantur; Sic enim ille loquitur lib. 2. epist. 54. ad Joannem Archiepiscopum Rennensem. Illud autem quod pro utendis a clero vestro Mappulis scriptis, à nostris est Clericis foriter obviatum, dicentibus nulli hoc unquam alii culli-bet ecclesiæ concessum fuisse. Sed nos servantes ho-norem fraternitatis tuæ, licet contra voluntatem antedicti cleri nostri, primis Diaconibus vestris in obsequio dumtaxat tuo Mappulis usi permittimus: alio autem tempore, vel alias personas hoc agere vehementissime prohibemus. Duravit autem hic Mappulae sive sudarrii linteus usus, donec in locum ejus Manipulus, non ad tergendas fordes, sed ad ornatum suffectus est; qui propterea ejus materiae & texture est, ex qua stola & planeta fieri solent. Hanc verò mutationem mappulæ in manipulum saeculo decimo factam conjicio: nam Alcuinus & Amalarius, qui saeculo nono vixerunt, mappulis usum tunc viguisse ostendunt. Manipuli autem mentio sit in veteri Missa ex codice Ratoldi Abbatis Corbeiensis apud Menardum, qui Ratoldus vixit anno 980. Olim, ut apparet ex antiquis picturis, ejus forma longior erat & strictior, vix duos pollices exce-dens, quemadmodum & stola, & linea utrumque aequali à summo ad imum limbum defluebat: nec erat extrema pars latior, sicut nunc est. Quod verò Manipulus proprium subdiaconi indumentum, ut Scholastici existimat, veteri usu non fuerit, argumento esse inter cætera pos-test, quod illo uterentur, qui nullo ordine initiati erant. Testis est Lanfrancus Cantuariensis epist. 13. dicens: In cœnobiosis Monachorum etiam Laici cum Albis induuntur, ex antiqua Patrum institutione solent ferre Manipulum. Verum haec consuetudo, ut in notis ad eandem epistolam vir eruditus Lucas Dacherius observat, abrogata postmodum fuit in concilio Pictaviensi sub Pa-

schali. II. c. 5. Ut nemo Monachorum deinceps Manipulis utatur, nisi fuerit subdiaconus. Mani-pulo nostro respondet apud Græcos Epimanicon, de quo agit Goar in notis ad Chrysostomi Litur-giam num. 12. Cùm Planeta totum corpus am-biret, ut mox videbimus, ea super brachia du-plicata & triplicata, ut Gemma animæ ait lib. 1. cap. 207. & 208. Manipulus extremo loco bra-chio expedito imponebatur: qui ritus tunc omnibus Presbyteris communis, nunc in solis Episcopis remansit, quibus peracta confessione à Ministris imponitur; quia prisco more post con-fessionem casula elevari solebat.

De Stola. Quid fuerit apud veteres Ethni-cos, Iudeos, Christianos. Cur nostra hoc nomen tributum. De palla limosima. Stola olim Orarium. Quedam de hoc, ejusque usu sacro & profano.

VI. **S**TOLA nomen apud profanos scriptores tam Græcos à quibus fluxit, quam Latini, muliebrem vestem significat ad talos usque demissam. Unde Cicero mores effeminatos Marci Antonii redargens Philip. 2. ait, *Sumpsi-fi virilem togam, quam statim muliebrem stolam reddidisti.* Erat autem propriè matronarum vesti-mentum, ut docet Ferrarius *de re vestiaria lib. 3. cap. 17.* adeò ut impudicæ mulieris nota foret brevior tunica, & Tertullianus lib. de Pallio. cap. 4. inter signa ejuratae pudicitiae recenset matronam in publico sine stola. Interdum tamen sumptuosa legimus pro quolibet genere vestimenti, Regum, Sacerdotum, & Privatorum. Nam Genes. 41. cùm Pharao constituit Joseph super universam terram Ægypti, vestivit eum stola bythina: & ipse Joseph Genes. 45. singulis fra-tribus suis proferri jussit binas stolas; Benjamin verò dedit quinque stolas optimas. In libro quoque Esther cap. 6. cùm dixisset Aman, cum quem Rex honorare vellet, debere indui vesti-bus regis: tum sequitur tulisse stolam, & in-dusisse Mardochæum. Filium item prodigum ad se revertentem jussit Pater indui stola prima, ex-i-mia scilicet, & omnium quæ domi erant preio-sissima. Zozimus lib. 4. ait Julianum conce-sisse Procopio, ut regiam stolam haberet: & Diodorus Siculus lib. 2. narrat, Arbacem, qui primus ex Medis Assyriorum imperium defun-cto Sardanapalo occupavit, indutum regia stola Regem appellatum fuisse. De stola summi Sa-cerdotis in lege veteri agit Josephus lib. 15. Anti-quit.

quit. cap. 14. & lib. 18. cap. 6. Sacerdotes item stantes ante altare cum stolis Sacerdotalibus commemorat lib. 2. Machabaeorum cap. 3. Zozimus lib. 4. loquens de titulo Pontificis Maximi Imperatoribus olim tributo ait. *simil ac summum Imperium quisque consequebatur, stola Sacerdotalis ei offerebatur à Pontificebus, & continuò Pontificis Maximi titulus ei tribuebatur:* tunc refert Gratianum eam stolam sibi oblatam aversatum fuisse, quod illicitum existimaret Christianum eo habitu' ut. Stolæ formam exprimit Zenophon lib. 8. *Cyri pæd.* his verbis. *Elegit itaque stolam Medorum & ipse ferre, & ut familiaris ea induerentur persuasit.* Hæc enim visus est ea occultare si quis de ectum aliquem habebet in corpore: quia nimirum totum corpus tegebatur præter caput & colum. Simili modo describit stolam Sacerdotalem S. Germanus Constantinopolit. in *Theoria Liturgie*, quam esse ait ignicolorem, dimissum usque ad pedes instar poderis Aaron. Nec dubiro, quin talis fuerit stola illa auro contexta, quam scribit Theodoreus lib. 2. hist. cap. 27. à Constantino Magno donatam Macario Episcopo Hierosolymitano, ut ea indutus divini baptismatis ministerium perficeret, à Cyrillo autem venditam, ut illi adversarii objiciebant. Et hæc quidem erat stolæ forma apud veteres Ethnicos, Judeos, Christianos: at nunc stola nostra non vestis, sed veluti torques est à collo per humeros ad pectus pendens, & usque ad gennu protensus. Quod sane ornamentum, quando coepit à sacerdotibus in sacris adhiberi, & cur ei stolæ nomen tributum sit, solerti indiget disquisitione. Quidam ævo Apostolorum coepisse scribunt, eo quod legerint stolam S. Jacobi Apostoli missam fuisse à Theodosio Hierosolymorum Episcopo ad S. Ignatium Constantinopolitanum; & stolam sancti Stephani Protomartyris à Marcario item Hierosolymitano datam Helenæ Augustæ, & ab ea Vestitionem transmissam. Sed hos scriptores vocis aequivocatione deceptos evidens est; stola enim illorum temporum, ut ex dictis constat, vestis oblonga erat totum corpus ambiens, nihilque habet commune cum stola hodierna præter nomen. Durandus in *Rationali* lib. 3. cap. 5. stolæ initium ad illud tempus refert, quo Alba deferri coepit. *Notandum*, inquit, quod antiquitus stola erat *vestis candida pertingens usque ad vestigia*, quæ Patriarchæ utebantur ante legem: quam primogeniti, cum benedictionem Patris acciperent, induebant, & Domino victimas ut Pontifices offerebant. Sed postquam Alba copiæ portari mutata est in torqueum. Hæc tamen levius conjectura est, & nos certiora hujus rei indicia dabimus ex

Concilii mox referendis. Unde autem nomen stolæ huic ornamento? An quia succedit veteri stolæ, ut innuit Durandus? An potius deducta est nomenclatura à fascia, quæ in limbo ejus vestis assuta erat, quæ olim stola dicebatur, retento totius vestis nomine in parte quadam illius? Ita concidit, & mea quidem sententia probabiliter, Vincentius Riccardus in *Commentariis ad orationem sextam sancti Procli*. In extrema namque parte antiquæ stolæ, ut observat Baylus *de re vestiaria* c. 17. assuta erat fasciola seu limbus ipsam vestem ambiens, cui cum sit valde similis hodierna stola, hinc fieri potuit, ut hoc illi nomen tributum sit. In actis sancti Silvestri, quæ Damaso adscribuntur, ab eo constitutum legimus, ut Diaconi Dalmaticis in ecclesia utebentur, & palliæ linostimæ lœva eorum tegeretur. Zosimus item constitutum fecisse dicitur, ut Diaconi lœvas testas haberent de palliis linostimis; ubi forte legendum linostima, id est, ex lino & lana contexta, quæ ut ait Isidorus lib. 19. *Orig. cap. 22.* dicta est linostima, quia in stamine linum; in trama lanam habet. Nominem autem hujus palliæ nihil commodius intelligi potest, quam stola Diaconalis, quæ in humero summo ab ipsis defertur ad differentiam sacerdotalis à collo ante pectus pendentis. Stolæ item mentio sit sub nomine Orarii, in concilio Laodiceno tempore ejusdem Silvestri habito *cap. 22.* & 23. quibus Subdiaconis & Lectoribus prohibetur ne Orariis utantur. Ex quo duplice testimonio infertur, ante annos mille, & trecentos usum stolæ in ecclesia invaluisse.

Porro nomine Orarii stolam, qua nunc utimur, intelligi, omnes ecclesiastici scriptores testificantur. Gemma animæ lib. 1. cap. 204. Deinde circumdat collum suum stola, quæ & *Orarium* dicitur. Rabanus Maurus lib. 1. cap. 19. *Quinum est quod Orarium dicitur, licet hoc quidam stolam vocent.* Alcuinus de *div. off.* cap. 39. sequitur *Orarium*, id est stola. *Ordo Romanus*, subdiaconi regionarii accipiunt ad induendum Pontificem vestimento; alius *Orarium*, alius *Planetam*. Anastasius in vita Agathonis, *ad hora S. Synodus una cum Principe eius Orarium auferri jusserunt à collo ejus*, Macarius scilicet Antiocheni. Adstipulantur veterum conciliorum Patres, à quibus multa de uso Orarii sancta sunt, quæ satis superque constat ad stolam pertinere. Concilium Laodicenum jam supra citatum tempore S. Silvestri. Bracarense I. anno 563. c. 27. *Placuit*, quia in aliquantus biujus provinciæ Ecclesiæ Ducomes absconsis in râ tunica uteruntur Orariis, ita ut nihil differre à Subdiacono videantur, ut de cetero supposito scapula, sicut decet, ut autur Orario. Tota-

Ietatum quareum sub Honorio c. 27. Episcopus recipiat Orarium, annulum, & baculum: Presbyter Orarium & planetam: Diaconus Orarium & Albam. Etc. 39. Orarius diaibus nec Episcopo quidem licet nec Presbyter uti, quanto magis Diacono, qui minister eorum est? Unum igitur Orarium oportet Levitam gestare in sinistro humero, propter quod orari, id est, predicat: dexteram autem parrem oportet habereliberam, ut expeditius ad ministerium sacerdotale discurrat. Caveat igitur amodo Levisa gemino uti orario, sed uno tantum & puro, nec alias coloribus, aut auro ornato. Bracarense III. sub Adeodato c. 3. Cum Sacerdos ad solemnia Missarum accedit aut pro se Deo sacrificium oblatarius, aut sacramentum corporis & sanguinis Domini Iesu Christi sumptuarus, non aliter accedat, quam Orario utroque humero circumsepius, ita ut deinde eodemque Orario cervicem passer & urruisque hamerum premens signum in suo pectori praefeat crux. Moguntinum sub Leone III. c. 28. Presbyter sine intermissione utantur Orarius propter differentiam sacerdotis dignitatis, quando scilicet ministeria sui ordinis obeunt: nisi ferat, e hoc loco præter solitum sumatur Orarium impropriè pro ueste tali, qua revera fine intermissione uti debent Sacerdotes. Quo item sensu interpretantur nonnulli canonem, quem Gratianus 17. qu. 4 c. 25. & Ivo p. 10. c. 139. tribuant concilio Triburensi: Ut Presbiter non vadant nisi stola vel orario induantur. Et si in itinere spoliari vel vulnerari, aut occiduntur non stola vestiri, simplici emendatione sua solvantur; si autem cum stolas tripli. Minor enim pena infligitur illi, qui injuriā irrogat sacerdoti sine habitu incidenti, cum possit ignorantia exceptione excusare. Ex quo patet, Orarium hic accipi pro communi uestimento, quod ita proprium Sacerdotis foret, ut eum discerneret a saeculari. Quod si primā hujus vocis originem inspiciamus, profana est & ab eo sensu diversa quo nunc usurpatur. Antiquis enim scriptoribus tam Ethnici, quam Christianis Orarium nihil aliud est quam sudarium, strophium, linteolum, quo facies abstergitur. Flavius Vopiscus in Aureliano, ipsum primum ait donasse oraria populo Romano, quibus uteretur populus ad favorem. Quia videlicet in altum sublatis orariis favoris signum obtendere, & Regem venerari censebantur. Ambrosius orat: quam habuit in obitu Satyri fratris describens tempestatem qua jaetabatur, Divinum, inquit, fideliūm sacramentum ligari fecit in orario, & orarium inv. levit collo, atque ita se dejectit in mare. Quo loco orarium non stolam, ut quidam arbitrati sunt, sed vulgare linteum significat; nam Satyrus Laicus erat, ad quem stola sacra nullo pacto poterat pertinere. Ambrosius iterum epist. 54. de miraculis sanctorum Gervasii & Protasii: Quan-

ta oraria jaetitantur? & tacitu ipso medicabilia reposcuntur? Similiter Augustinus lib. 22. de civ. Dei cap. 8. Oculum lapsum ligavit oratio, nec nisi post septem dies putavit esse solvendum. Pontius in vita S. Cypriani, Fratres int̄ amina & oraria ante eum ponebant, ne sanctus crux defluens absorberetur à terra. Erat autem orarium magis longum quam latum, instar fasciae, ut ex loco citato Ambrosii de Satyro fratre ostendit Casaubonus in notis ad Vopiscum. Faver Gregorius Turon. l. 3. b. 1. c. 5. ubi refert Sigismundum Burgundionum Regem filium suum dormientem iulisse occidi. Dormienti, ait, orarium sub collo positum ac sub mento ligatum, trahentibus ad se invicem duobus pueris, suffocatus est. Ex hac autem orarii forma oblonga suspicor translatum hoc vocabulum in Ecclesiā, & sacræ stolæ tributum: cui suspicio robor aliquod addit supra relatum Silvestri decretum de pallia linostima ex lino, sicut & sudarium, contexta. Ejus vero etymon ab ora deductum non adeo inverisimile est, ut quidam scribunt, nam ora uestis facies tergi solebat, antequam linteola in usu essent. Plautus in Mercatore act. 1. sc. 2. Sume laciniam, partem scilicet extremam uestimenti, atque absterge sudorem tibi. Ab ore tamen probabilitus sumitur, quia orario os tergitur, quam notationem sequi videtur Prudentius hymn. 1. de coronis, hoc versu:

Hic sui dat pignus oris, ut serunt, Orarium.

Alii ab orando derivant, eo quod sacrī prædictoribus five oratoribus detur, ut ajunt Alcuinus & Rab. Maurus; quibus consentit Beda in collectaneis de Septem Ordinibus: Bene oratoribus convenit orarium, conveniens uestimentum officio. Sitne Græca an Latina vox ambiguum est: credem tamen à Latinis ad Græcos devenisse, nam Suidas homo Græcus, & auctor veteris Etymologici, Latinum vocabulum esse testantur. Qui vero Græcum esse contendunt, triplicem ejus afferunt etymologiam. Ballamon in can. cit. Conc. Laodiceni & Matth. Blaftares in synopsi canonum à verbo oro, quod Græcis idem est ac obseruo five custodio, deducunt, eo quod diligenter obseruent in mysteriis quae agenda sunt, eaque oratio significant Diaconis, qui sunt in Ambone. Simeon Thessalonicensis, derivat ab ora, quæ Hesichio est pulchritudo seu venustas, quia Diaconum gratiae venustate ornat, & divino decore illustrem reddit. Arcadius lib. 6. cap. 1 c. ab hora tempore, quia Diaconus accepta extremitate stolæ tribus digitis invitat populum ad orandum; cantores ad psallendum, ostenditque

LII 3 ho-

horas & tempus, quo aliquid est faciendum: quæ confuetudo etiam hodie vigeret in Græcia. Quamvis autem orarium commune sit Diaconis & Presbyteris, à Græcis tamen Diacono propriè tribuitur, scolam verò sacerdotalem Epitrachelion vocant, quod latius est orario, nec ullis litterarum notis exaratum, sicut orarium Diaconorum, cui ter inscriptum est verbum *Agios*, id est *Sanctus*. Claudio hanc de orario tractationem Isidori sententiā in regula Monachorum cap. 12. ubi ait, non licere Monacho orario uti, quod ante ipsum vetuerat concilium Aurelianense primum cap. 21. Sed hic orarium juxta primam vocabuli originem pro lindeo accipitur ad tergendam faciem; nam post pauca ait Isidorus, non debere Monachum vultus curam gerere, ne lascivie & petulantiae crimen incurrat.

*De Planeta. Penula veterum quid fuerit.
Quid Phænolum. Casula seu Planetæ
diversæ significationes. Ejus in sa-
cris origo, forma, & usus.*

VIII. **P**ostremum Sacerdotis sacris opera-
turi indumentum quidam Penulam, alii Casulam seu Planetam vocant, quæ voces à profana significacione ad sacram translatæ sunt. Penula quid fuerit apud veteres Græcos & Latinos, quæ ejus forma, quis usus in communis vestitu, latè prosequuntur Bulengerus lib. de sacris vestibus cap. 20. Ferarius de re vestiaria lib. 1. cap. 36. & sequentibus, & Albertus Rubenius lib. item 1. de re vestiaria cap. 6. An verò Penula, quam Paulus Apostolus 2. ad Timorh. 4. se Troade apud Carpum reliquissæ scribit, vestis sacra fuerit, an alia communis, frigori ac imbribus depellendis, an verò scriniolum seu theca libræ & membranis referta, diverse sunt sententiae, quas illius epistolæ expoñentes, & Baronius anno Christi 58. n. 67. recensent. Frustra sunt, ait Gretserus lib. 1. comment. in Codinum cap. 16.

„qui Phænolum Latinè penulam vertunt, nulli

„penulæ inter vestes sacras locus est, tametsi non

„ignorem, quid de penula apud S. Paulum non-

„nulli philosophentur. Subscriptit primùm

hiuc sententia Ferrarius in prima sui tractatus edi-

tione, at in secunda in fine 37. palinodiam cecinit

his verbis. „Haec olim opinabamur, cum non-

„dum penulæ figuram in antiquis monumentis

„videre contigisset, decepti etiam clarorum vi-

„rorum auctoritate, qui penulam vestimentum

„apertum esse docuerunt. Sed postquam non una
„penulæ imago in manus venit, murare opinio-
„nem cogimur, vestemque sacrificantium cum
„Baronio penulam fuisse fatemur. Agit idem
de penulis toto lib. 2. partis secundæ, ubi ejus
extat figura admodum similiis Planetæ sacerdotali. Meminit Penulæ Pauli Tertullianus lib. de
oratione cap. 12. Porro Phænolum sive Phælo-
num Græcorum indumentum planetæ nostra
correspondens à Latinis interpretibus penulam
dici, nequidquam reclamante Gretsero, aliquot
testimoniis probat Baronius loco citato num. 69.
Nam ut cætera omittam, Nicephorus Constan-
tinopolitanus scribens & dona mittens Leonī
III. ex antiqua translatione ait, *Misimus frater-
næ vestræ beatitudini encolpium aureum, tunicam
candidam, & penulam castaneam.* Pro Penula au-
tem in textu Græco Phælonium legitur. De ca-
sula quoque sive Planeta pro communi vestitu
olim à Latinis usurpata veterum Scriptorum te-
stimonia habemus. Aëta S. Fulgentii apud Bol-
landum die 1. Januarii cap. 18. „Casulam pre-
„tiosam vel superbì coloris ipse non habuit, nec
„Monachos suos habere voluit. Subtus casulam
„nigello vel lactineo pallio circumdatuſ incessit.
Regula Macarii cap. 27. inducit Monachum
contumacem dicentem: *Hic ego durare non pos-
sum, sed accipiam casulam meam, & ibo ubi volue-
rit Dominus.* Casula autem hoc loco accipitur
pro cuculla Monachali. Theodemarus Abbas
in epist. ad Carolum Magnum, *Cucullam nos
esse dicimus, quam alio nomine casulam vocamus.*
Auctor vita sancti Cæsarii Arelatens. „Ambu-
„lans Cæsarius per plateam civitatis, vidit con-
„tra in foro hominem, qui à Dæmonio ageba-
„tur, in quem cum attendisset, habens manum
„sub casula, ut à suis non videretur, crucem con-
„tra eum fecit. Joannes Diaconus in vita S.
Gregorii lib. 2. cap. 45. quemdam fuisse Mo-
nachum ait, qui à fratre suo seculari vestem pe-
tit dicens: *Casulam non habeo, sed fac charita-
tem, eme mibi.* Erat etiam casula quotidianum
Ecclesiasticorum indumentum, nam in concilio
habito apud Liptinas in pago Cameracensi anno
743. c. 3. decretum fuit, ut Presbyteri vel Dia-
coni non sagis laicorum more, sed casulis uteren-
tur ritu servorum Dei. Pro ueste servili accipitur
casula à Procopio lib. 2. de bello Vandalico c. 26.
Areobindus, inquit, *magister militiæ à Iustiniano
missus in Africam ad Gontharin accessit non prætoria
nec militari ueste induitus, sed famulo vel privato
homini propria, quam latine casulam vocant Ro-
manis.*

mani. Pro veste item saeculari Planetæ nomen acceptum ex vita S. Fulgentii cap. 29. colligimus, cuius auctor scribit, eo ambulante tempore imbris, viros nobiles planetis suis super ipsum expansum imbre repulisse. Casianus describens habitum Monachorum lib. 1. inst. cap. 17. ait, illos planetarum & mirrorum pretia declinasse. Isidorus quoque in Regula Planetas Monachis interdixit. Cum sit igitur aequivocum casulae & planetæ vocabulum, quo primùm tempore à profano & promiscuo usu ad sacrum translatum sit, non liquet. Legitur nihilominus casulae nomen in antiquo Ordine Romano, in libris Alcuini, Amalarii, Rabani Mauri, & aliorum qui de ritibus factis scripserunt: & concilium quartum Toletanum cap. 27. Presbytero, ait, in sua ordinatione Planeta datur, quæ idem est ac casula. Fit etiam casula mentio in testamento S. Remigii apud Flodoardum lib. 1. cap. 18. Quod vero sacerdotes ante casularum usum Dalmaticis uterentur, quas postea Diaconis concederint, cum casulis uti coepissent, assertio singularis est Walfridi Strabonis cap. 24. cui favent Acta S. Sylvesteri edita à P. Combefisi, in quibus mentio fit Euphrosyni Pamphilie Episcopi, qui dum mysteria pergeret colobium unum habebat, quod magni illius Apostoli ac fratris Domini Jacobi esse dicebat, quo indutus sacram oblationem explebat. Hinc factum ut Romani haec tenus sacerdotes colobiis usi sint. Quod tamen brachiorum nuditas displiceret, Dalmaticas manicas portius, quam colobia placuit appellare. Hæc ille præcucus scriptor. Porro casula, teste Isidoro lib. 19. origin cap. 24. per diminutionem à casa dicitur, quod totum hominem tegat, quasi minor casa. Planetæ vero nomen ex eo deducitur, quia oris errantibus evagatur: & ut ait Gemma animæ lib. 1. cap. 207. limbus ejus errabundus utrimque in brachia sublevatur. In vita S. Popponis Abbatis apud Bollandum die 25 Januarii num. 58. Casubula nuncupatur, In celebratione Missarum Casubulam, quæ induebatur, lacrymis humectabat. In Ecclesia Orientali Phænolum, sive casula Pontificalis à Presbyteriali in hoc differt, quod ista simplex, illa multis crucibus insignita est, & ideo Polystaurum dicitur, ac si Latinè Multicrucium diceremus. Olim casulari rotundæ prorsus erant, totum ambientes hominem à collo usque ad pedes, unicam in medio aperturam habentes, per quam caput immittebatur; qua de causa necessarium

erat, ut sacerdos operari ac manibus liberè uti posset, eas super brachia revolvere & complicare. Sic induitos Pontifices & sacerdotes in præcis ecclesiarum parietibus cernimus: suntque etiam hodie Græcorum casulae ejusdem formæ. Latini verò ad vitandum incommodum ex amplitudine & propensione totum corpus cum brachiis circumcludente proveniens, eas paulatim a lateribus scindere & decurtare cœperunt, donec ad formam, qua hodie utimur, redacta sunt. In opere musivo, quod olim erat in Basilica Lateranensi, cuius Ecclypion extat in Museo Barberino, postea typis culsum à Cæsare Raspono nunc S. R. E. Cardinali lib. 1. de Basilica Lateranen. cap. 14. expressa est effigies Joannis XII. Papæ, quem ministri induunt planeta ex utroque latere aperta, & tam in parte anteriori quam in posteriori in acumen definente, & ultra cubitum protensa; quam certè non erat necessarium in utroque brachio duplicare, aut triplicare, ut Gemma animæ ait. Factum autem fuit illud opus anno 960. Testatur Morinus lib. de fac. ordinat. p. 2. innotis ad Græcorum ordinationes antiquæformæ casulas ducentos circiter annos præse ferentes in multis Ecclesiis asservari: ex quo testimonio & ex pictura supra relata facilè conjici potest, quo tempore hujusmodi scissio fieri cœperit, & quomodo sensim propagata fuerit; quam nullo Pontificum seu synodorum decreto stabilitam invenio. Quia verò planeta totum olim involvebat sacerdotem, hinc ortus est usus ut à ministro eleveretur, cum sacerdos hostiam & calicem elevat, quæ praxis antiquitus necessaria, ne pedibus obversans flectenti genua impedimento esset, adhuc perserverat; rameti cesante causâ superflua sit. Hinc etiam permanens usus, quem pauci fortassis intelligunt, ut in Quadragesima aliisque diebus jejuniorum, quibus Ministri utuntur planetis, complicatae sint à parte anteriori, quod olim propter earum amplitudinem necessarium erat, ut expediti essent ad ministrandum: sicutque paulatim introductum est, ut Diaconus, cuius in Missa potissimum est ministerium, planetam exuat, ejusque loco stolam latiore accipiat: quod ævi recentioris est, nam ordo Romanus non exui planetam, sed elevari mandat: & Diaconi, inquit, levant Planetas in seculas. Usus verò duplicitis stolæ, ut ostendimus cum de stola ageremus, antiqui canones non permittebant.

De

De vestibus Pontificalibus, ac primum de caligis, & sandaliis seu compagis, eorumque vario usu.

IX. **E**t hæc quidem sunt indumenta, quæ sanguinis sacerdotibus rem divinam facturis sunt necessaria: Episcopi autem, cum solemniter celebrant, alia supradictis adjiciunt, nempe sandalia & caligas, crucem pectoralem, tuniculam, dalmaticam, chirothecas, annulum, mitram, baculum, & si sit Archiepiscopus pallium: de quibus diffusè agunt Saussatius in *Panoplia Episcopali*, & Vicecomes lib. 3. de *Missa apparatu*. Sandalia pedum sunt tegumenta, caligæ vero hic pro tibialibus usurpantur, quamvis de caliga veterum diversa sit Eruditorum sententia. Sandalia ab antiquis compaga sive compagia, rectius compagi nuncupantur, qua voce pro calceo regio & senatorio usi sunt Trebellius Pollio, & Julius Capitolinus. In Ordine Romano accipiuntur compagi pro caligis, ait enim tit. de ordinazione Episcopi, *Indumentum electum compagos, sandalias, & reliqua*. Eorum usum concessum aliquando Diaconis à summis Pontificibus Gregorius Magnus docet lib. 7. epist. 28. Indic. 1. ad Joannem Syracusanum scribens, Diaconos Ecclesiæ Cataniensis calceatos compagis procedere præsumpsisse, quod solis Diaconis Ecclesiæ Messanensis à Prædecessoribus suis concessum fuerat. Alcuinus ait sandalia esse genus calceamentorum, quo induuntur Ministri Ecclesiæ. Extat etiam canon insertus Capitularibus Caroli Magni lib. 5. cap. 219. Ut omnis presbyter Missam celebret ordine Romano cum sandaliis. Ex Amalario autem lib. 2. cap. 25. constat subdiaconos quoque sandaliis usos, nam diversa fuisse ait Episcoporum, sacerdotum, diaconorum, & subdiaconorum sandalia, quorum mysticam rationem edisserit. Primi enim nostræ religionis Antistites, cum semper studuerint maximam divinis mysteriis reverentiam impendere, omnes eorum ministros splendidis vestibus tantoque ministerio congruis ornari decreverunt, adeò ut nec quidem sordidis & communibus calceis fas illis fuerit ad altare accedere, multò minus nudis pedibus, quod nec ipsi Acolythis licere Ordo Romanus de tit. die Paracœvus edixit. Vasta ideo sandaliorum genera pro varietate ministrorum constituerunt, quæ nunc abierunt in desuetudinem, illis solis permanentibus, quibus utuntur Episcopi solemniter celebrantes. Ordo Romanus ad Abbates sandalio-

rum usum extendit, agens enim de illorum ordinatione, *Episcopus, inquit, dat ei baculum & pedules*. Sunt autem pedules idem ac sandalia, quæ Leo Nonus Abbatibus Calisinensibus concessit, teste Leone Ostiensi lib. 2. *Chronici*: idque alias postea ab Apostolica sede indultum fuit.

De cruce pectorali. A Græcis Encolpion dicatur. Ejus usus recentior.

X. **D**e signo crucis, ejusque veneratione & usu, deque parvis crucibus, quæ collo appendere instar amuleti ab ipsis Ecclesiæ incunabulis Fideles confueverunt, à viris doctis ingentia volumina conscripta sunt: de cruce vero cum Sanctorum Reliquiis, quam nos pectorale dicimus, quia ante pectus pendet, & Græci *Encolpion* vocant, eo quod simu gerantur, silent omnes rituum ecclesiasticorum scriptores, Alcuinus, Amalarius, Strabo, & alii etiam recentiores. In *Missa Illyrici* & in iis quas edidit Menardus, cum omnia indumenta pontificalia numerentur, nihil tamen de cruce; ex quo fit, ut hunc ritum non admodum antiquum existimem. Scio hoc referri à nonnullis versum Gregorii Nazianzeni carm. 21. *Namque crucem in membris, medioque in corpore gesto*. Sed si contextus recte expendatur, nihil hic de cruce pectori appensa ab Episcopo celebrante: nam crucem secum ferre, commune erat omnibus Christianis etiam laicis & mulieribus, quod latè probant qui de cruce commentaria ediderunt. Huc etiam refert Baronius tom. 9. anno 811. Encolpion aurum cum partibus ligni crucis Leonis III. missum à Nicophoro Constantinopolitano. Putat enim Encolpium nomine crucem pectoralem significari, de qua sermo nunc est; suæque opinioni confirmandæ octavæ Synodi œcumenicæ testimonium assert, in qua Art. 5. Helias Vicarius sedis Hierosolymitanae narrans adventum suum in regiam civitatem, & qualiter ab Imperatore ipse cum socii receptus fuerit, *Imposuit*, inquit, nempe Imperator, „per colla nostra Encolpium suum, & dixit. Ecce judicium Ecclesiæ exigat Deus a cervicibus vestris in die judicii. Ego autem non video, quomodo hinc colligatur Encolpium fuisse insigne Episcoporum: nam qui illud imposuit, fuit Imperator, Helias vero Presbyter erat, non Episcopus: neque hic agitur de cruce, quam Pontifex sacris operatus pectori appendit, ut ex contextu manifestum est.

De



De Tunica & Dalmatica episcopali, earumque forma, colore & usu.

XI. DE Tunica & Dalmatica quatenus Subdiaconi & Diaconi sunt indumenta, mox agam, cum de Ministrorum vestibus incidet sermo: nonc de illis agendum, quatenus inter sacras Episcoporum vestes recensentur. Ordo Romanus utriusque meminit, cum episcopalia enumerat indumenta, & unam quidem Dalmaticam minorem, alteram Dalmaticam majorem nuncupat. Tunicam Amalarius lib. 2. cap. 22. hyacinthini coloris fuisse ait, & subuculam nominari. In Missa Illyrici subtilis nomine indicatur, cui suffragatur Gemma animæ lib. 1. cap. 229. dicens, *Subdiacono supradictæ vestes conceduntur, quæ scilicet sunt ministrorum inferioris gradus, insuper duæ aliae, id est subtile & sudarium adduntur. Subtile, quod & stricta tunica dicitur, portat ut se justitia quasi lorica induat.* Olim tunica episcopalis coccinei coloris erat, ut vel ipse picturæ veteres ostendunt; Dalmatica verò albi, purum referens & incontaminatum sacerdotis statum, ut scribit Simeon Thessalonicensis. Usum ejus antiquissimum esse Auctor questionum veteris & novi testamenti evincit, cuius hæc sunt verba quæst. 46. *Quasi non hodie Diaconi Dalmaticis induantur, sicut Episcopi.* Hic autem, sive sit Hilarius Diaconus, ut plerique existimant, sive alius quispiam, se scriptissime testatur quæst. 44. trecentis annis post Hierosolymæ excedit, quæ urbs capta & destruta fuit anno Christi LXXI. Non omnes tamen Episcopos paullum Dalmaticis usos credendum est: sanctus enim Gregorius lib. 7. epist. 113. Aregio Episcopo sic scribit. „Communis filius „Petrus Diaconus nobis innovuit, quod fra- „ternitas vestra, tempore quo hic fuit, popo- „scerit, ut sibi & Archidiacoно suo utendi Dal- „maticis licentiam præberemus. Et post pauca- „Hujus auctoritatis nostræ serie petita conce- „dimus, atque te & Archidiaconom tuum Dal- „maticarum usu decorandos esse concessimus, „eosdemque Dalmaticas filio nostro Cyriaco „Abbate deferente transmisimus. Ex cuius con- cessionis tenore deducitur, usum Dalmaticarum Episcopis ab Apostolica fede tributum fuisse. In Missa Ratoldi apud Menardum inter indumenta episcopalia unius dumtaxat tunicae fit mentio, *Super hæc, ait, id est accepta stola, ministretur ei tunica gyris in tintinnabulis mirificè resecta, ad*

similitudinem scilicet Aaron sacerdotis. Ut enim obseruat Stephanus Eduensis lib. de Sacram. Altaris cap. 11. quidam Pontifices una, alii duabus tunicis utebantur; quod etiam notavit Durandus lib. 3. cap. 10. sui Rationalis.

De Chirothecis & earum usu.

XII. CHIROTHECAS Apostolicæ traditionis esse scripsit Honorius in Gemma animæ lib. 1. cap. 215. *Cbirothecarum usus, inquit, ab Apostolis est traditus: ab Apostolis, inquam, non ab epistolis, ut perperam in editis legitur. Sed hoc credibile non est, cum per aliquot saecula nullum earum monumentum reperiatur, nec illis unquam uia sit Ecclesia orientalis.* Porro chirothecas latinâ voce manicas nuncupant antiqui scriptores, qua usus est Plinius lib. 3. epist. 5. ad Macrum, quæ de studiis & lucubrationibus Plinii senioris avunculi sui est: *Manus, ait, hyeme manicis muniebantur, ut ne cœli quidem asperitas ullum studiis tempus eriperet.* Ordo Romanus agens de ordinatione Episcopi, hanc orationem dicendam præscribit, quando electus induitur manicis. „Immensam clementiam tuam rogo, „muis omnipotens & piissime Deus, ut manus „istius famili tui fratri nostri, sicut exterius „obducuntur manicis istis, sic interius asper- „gantur rore tuae benedictionis. In Missa Ra- toldi apud Menardum manicas etiam cum aliis Pontificalibus indumentis memorantur. Et in Missa Illyrici extat oratio ad induendas manus. Ex his autem colligitur, quanta sit earum vetustas. Usum denique chirothecarum à Leone IX. concessum Abbatibus Cassinensis Leo Ostiensis suprà relatus afferit, & eo antiquior Ordo Romanus in ordinatione Abbatis ex canone Theodori Archiepiscopi Cantuariensis, qui obiit anno 690. post datam ei ab Episcopo Regulam ait, *Tunc tradat ei chirothecas & baculum.*

De Annulo, ejusque antiquitate & usu.

XIII. NON est hujus loci Annulorum origi- nem investigare, sed & superfluum est: nam Gen. 38. Judam legimus annulum & armillam gestasse, nec ullus ferè liber est in veteri Testa- mento, in quo ejus mentio non fiat. Usum autem ferendi annulum à Christianis receptum fuisse, Clemens Alexandrinus l. 3. sui Pædagogij c. 11. testis est. At verò Episcopis inter reliqua sui Ordinis insignia traditos annulos, mille & amplius annorum testimonia habemus, tum in Ordine

Mmm

Ros

Romano & aliis sacramentorum antiquissimis libris, tum apud Surium die 3. Decembri in vita S. Birini Dorcestrensis Episcopi, qui vixit anno 640. tum demum in quarto Concilio Toletano c. 27. quo sancitur, ut Episcopo injuste deposito tanquam suæ dignitatis signum annulus restituatur, qui dudum recepto in Ecclesia ritu in sua ordinatione ipse dari consueverat. Neque obstat Alcuini, Amalarii, & Rabani de annulo silentium: nam istis tacentibus loquuntur alii, qui eos ducentis & amplius annis antecesserunt, ut ex allatis testimoniis luculententer appareret: & fortassis diversa fuerunt diversis locis & temporibus hac de re consuetudines.

*De Mitra, ejusque usu sacro & profano.
Quando coepit idem usus in Ecclesia. Cur
Graci ea non utaniur. Quando & à
quibus concessa Abbatibus.*

XIV. **M**itra Pontificalis ex veteri Testamento sumpta est, ut recēde scribit Honorius lib. 1. Gemmæ cap. 214. Ea enim utebantur Sacerdotes, ut sacræ literæ indicant Exod. 29. & Levit. 8. Erat & prophanum capitum ornamentum, quo primū Jonios, deinde Aegyptios, Syros & Lydos usus fuisse ethnici Scriptores tradiderunt. Olim etiam pro muliebri corona sumebatur, ex qua fasciolæ pendebant, unde Virgilius *redimicula mitra* commemorat. Deo quoque sacrificis Virginibus mitra in Africa imponi solebat, de qua Optatus Milevitanus lib. 2. „Felix, inquit, inter criminam „sua & facinora nefanda, ab eo comprehensam „puellam, cui mitram ipse impofuerat, à qua „paulò ante Pater vocabatur, nefario incestare „minimè dubitavit. Isidorus lib. 19. orig. cap. 31. „Mitra est pileum Phrygium caput protegens, „quale est ornamentum capitum deyotorum. Sed „pileum virorum est, mitra autem foemina- „rum. Ab Alexandro II. concessum mitram Vratislao Duci Boëmia in signum intimæ dilectionis, Gregorius VII. testis est epist. 38. libri 1. afferens id Laicis nunquam antea tributum. Brachmanes sacerdotes mitra gemmis ornata uiri consuevisse refert Philostratus in vita Apollonii. Eandem usurpasse summum sacerdotem Peæ Syriae Lucianus in *Dea Syria* script: idemque tradidit de Pontifice Maximo ethioce superstitionis Prudentius hym. 9. de coronis his versibus:

*Summus sacerdos nempe sub terram scrobe
Acta in profundum consecrandus mergitur,
Mirè insulatus, festa vittis tempora
Nectens, corona tum reperitus aurea.
Cinctu Gabino sericanam fultus togam.*

Mitra nomina multa sunt, dicitur enim cedaris, tiara, infula, phrygium, corona sacerdotalis, cupha, de quibus Lexicographi græci & Latini consulendi sunt. De iplius usu in Ecclesia duæ sunt eruditiorum sententiae. Quidam enim existimant, recentem adinventionem esse, quæ circa annum Christi millesimum incepit, quam opinionem probant primò ex tabulis & aliis veterum monumentis, in quibus tam summi Pontifices, quam reliqui Episcopi omnibus quidem pontificibus ornamentis induit, sed nudo semper capite delineati apparent. Secundò ex libris ritibus ante annos septingentes scriptis, & ex antiquis rerum ecclesiasticarum scriptoribus, qui cum satis accuratè omnia indumenta Episcoporum recenseant, de mitra tamen prorsus silent. Alii è diverso mitrae usum putant ab ipsis Apostolis fluxisse, idque variis rationibus. & testimonii suadere conantur, contraria verò sententiam fluxis dumtaxat argutiis nitit ajunt, atque omni solido fundamento destitui. Propugnat acriter hanc mitrae antiquitatem Andreas du Saussay lib. 1. *Panoplia episcopalium*, omnibus ad hoc argumentum spectantibus diligentissimè collectis, quæ apud ipsum legi possunt. Ego autem crediderim, utramque opinionem posse facilimè conciliari, si dixerimus, mitram quidem, qualis est hodie, nuperum ornatum esse, qui ante millesimum Christi annum vix fuerit in Ecclesia: negari tamen non posse, quin à temporibus Apostolorum aliquod fuerit capitum ornamentum, quo peculiariter, si non omnes, aliqui saltē Episcopi usi sint. Hoc enim evincere videntur quæ ad probandam mitrae antiquitatem Saussaius congregit, præsertim ex Ephphanio, qui in haeresi Antidicomarianitarum affirmit Jacobum Apostolum bracteam seu petalura in capite portasse: ex Polycrate apud Ensebium lib. 5. hist. cap. 24. & ex Hieronymo lib. de script. Eccl. afferentibus Joannem item Apostolum laminam auream in fronte geffisse: ex Gregorio Nazianzeno, qui orat. 5. post redditum à fuga loquens de sua ordinatione, capiti suo cedarim impositam ait: ex Balsomone & aliis scriptoribus græcis, qui facentur Patriarcham Alexandrinum, Phrygio uti, sive loro, ut græcè scribunt, ex eo quod illud misericyrillo Celestino Papa, cum eum iussit Ephesino



Ephesino concilio vice sua praesidere. Qua verò de causa Græci Antistites, dempto Alexandrino, olim Phrygio non uterentur, quæstio anceps est, quam tractat eruditissimus Goar in notis ad Episcopi ordinationem p. 34. Vera ratio illa videtur, quam ipse metu Balsamon, quamvis schismaticus, insinuat, quia reliqui hanc honoris prærogativam à Romano Pontifice non habuerunt. Quid verò & quale fuerit illud Phrygium sive lorum, non constat. Aliquos tamen inter Græcos exitisse, qui sibi jus Phrygii usurparint, idem Goar assertat: communiter verò usque ad hodiernum diem ab hoc ornamento abstinerunt, nec ullus est in Græcia mitra usus. Reliqui Episcopi orientales Maronitæ, Nestoriani, & Jacobite Cidari utuntur, quæ ipsorum capitii imponit, dum ordinantur, ut ex eorum Ritualibus apud Morinum manifestum est. De mitris verò sanctorum Sylvestri, Augustini, & aliorum Episcoporum, qui in occidente in annos mille & amplius floruerunt, ab hodiernis non multum dissimilibus, & inter ipsa quarundam Ecclesiarum asseratis, non est meum ferre judicium. Nonnullis insignium monasteriorum Abbatibus tam mitra quam aliorum Pontificalium ornamentorum usum post annum millesimum concessionem probatissima testantur monumenta. Alexandrum II. hoc privilegium concessisse Abbat S. Augustini Cantuarie, Guill. Thorne ejus cenobii Monachus refert in suis chronicis. In Bullario quoque Cassinensi extat ejusdem Pontificis constitutio, qua eadem gratia Abbat Caveni conceditur. Extat item in Bibliotheca Cluniacensi simile privilegium Urbani II. pro Abbat Cluniacensi: & Petrus Diaconus lib. 4. Chron. Cassin. cap. 17. scribit eundem Urbanum facultatem dedisse Abbat Caffinensi utendi compagis, chirothecis, Dalmatica, & Mitra. Recentiora omitto. Privilegium autem Honorii I. & Theodori initio Bullarii Cassinensis relatum, quo mitram & alia insignia Pontificalia Abbat Monasterii Bobiensis à S. Columbanu fundati largiuntur, aliis examinandum relinquunt. Dammant usum Pontificalium in Abbatis, Bernardus epist. 42. ad Henricum Senonensem, & Petrus Blesensis epist. 90. ad Guill. Abbatem fratrem suum: ille spiritu humilitatis, hic zelo ze- latus pro Episcopis, quibus haec Abbatum prærogativa displicebat, de qua re extat epist. 27. lib. 2. Goffredi Vindocinensis. Latè tandem propagata est mitrae gestandæ concessio, non solum ad Abbes, sed etiam ad quarundam Ecclesiarum sæcularium Prepositos, & ad Cathedralium digni-

tates & Canonicos, quorum hic catalogum texere suscepit operis institutum non patitur.

De Baculo Postorali, ejusque nominibus, figura, materia, & usu. Quid Subcinctorum, Epigonatum, Orale, Gremiale.

XV. **Q**uod Regibus sceptrum, id Baculus est Episcopis, insigne scilicet auctoritatis, sollicitudinis, & correctionis. Porro baculi Episcopalis mentio sit in Ordine Romano, & in concilio quarto Tolerano ante annos mille celebrato, tanquam præcipui & dudum usitati Episcoporum ornamenti. Virga postorali dicitur, & latina voce Pedum, quod Festo auctore est baculus recurvus, quo pastores utuntur ad comprehendendas oves vel capras, de quo Vigilius eccl. 5.

*At tu sum pedum, quod me cum sepe rogasset,
Non iulit Antigenes.*

Honorius lib. 1. cap. 217. etiam ferulam vocari ait, quæ à feriendo nomen habet; est enim baculus sive virga, qua puerorum manus feruntur, unde est illud Juvenalis Sat. 1. Et nos ergo manum ferula subduximus. In vitis sanctorum Galli & Magnoaldi cambuta vocatur, quæ significat baculum retortum. Honorio Capuita, aliis Cambuta, camboca, vel cambuca est; pro qua voce apud Durandum lib. 3. Ration. cap. 35. in omnibus ferè editionibus Cambuca perperam irrepsit. Budæo dicitur litius Pontificius, quali olim augures utebantur, de quo Cicero lib. 1. de divinatione, & Gellius noct. Attic. lib. 5. cap. 8. In testamento S. Remigii apud Flodoardum argentea cambuta figurata occurrit, ubi Brissonius legi cambutam. Erant igitur hujusmodi baculi aliquando argentei, nam Sauffatius lib. 2. Panoplie ait, se vidisse Rhemis Baculum S. Remigii auri laminis coopertum, cælaturisque artificiois circumquaque exornatum. Fuerunt & cuperfili, de quibus testimonium habemus in epistolis Stephani Tornacensis epist. 223. & sequenti. Nam in priori Abbas Sylvæ majoris ipse Stephano scribens ait, *Mittimus vestre carissimæ Paternitati munuscum indignum dignitate vestra, sed officio congruum, bâculum videlicet cypressinum: & in posteriori ad Episcopum Aurelianensem, Munuscum vobis mittimus bâculum pastoralem cypressinum, officio vestro & qualitate mysteriis congruum, & quantitate ministerii condignum.*

M m m 2. Abba-

Abbatibus quoque baculus pastoralis tribuitur in Ordine Romano, qui mos antiquissimus est. Apud Graecos item non solum Episcopis, sed praefectis etiam monasteriorum, baculum tradi in eorum ordinatione ostendit Goar in *notis ad Euchologium pag. 313.* ex Codino, & Simone Thessalonicensi. Forma tamen baculi apud orientales diversa est; non est enim in summitate curvus five retortus, sed summa pars definit in globum eburneum, vel in signum crucis, vel in lignum transversum ad instar litterae Tau: vel duobus serpentibus ex ebore ornatur, qui reflexis capitibus se mutuo respiciunt.

In Missa ab Illyrico edita inter Pontificalia indumenta post Cingulum recensetur Praecinctorum, quod ab Honorio lib. 1. *Gemma cap. 206.* Subcingulum, five subcinctorum nuncupatur. Sed hodie nemo eo utitur in Ecclesia Latina, nisi solus Romanus Pontifex, cum solemniter celebrat, estque instar parvi cuiusdam manipuli è finistro latere pendens. Huic apud Graecos assimilatur Epigonatum formæ quadrangularis palmi & dimidii ex utroque latere, quod è Zona appensum gestatur, solisque Episcopis & aliis in dignitate constitutis permittitur. Latinè dici potest *super genuale.* Est & aliud peculiare summi Pontificis ornamentum, quo utitur solemniter celebrans, estque velum sericum subtilissimum diversis coloribus distinctum & virgatum, quod post Albam & cingulum capiti imponit, & replicat super humeros & ante pectus. Orale olim dicebatur, nunc sanonem vocant. Quidam recentior putat subcinctorum idem esse ac Gremiale, sed errat: nam Gremiale pannus est, qui in gremio Episcopi celebrantis ponitur, cum feder, & cum ordines confert; de quo agit Ceremoniale Episcorum lib. 1. cap. 11.

De Pallio Archiepiscopali. Quid sit. Quodam de usu ipsius. Quibus concedi soleat. Ejus origo. De Pallio Graecorum.

XVI. Postremum Pontificale ornamentum est Pallium, quod solis Patriarchis & Archiepiscopis competit. Est autem Pallium fascia lanae candida tribus circiter digitis lata, & in modum circuli contexta, qua super humeros imponitur, ex quo circulo alia simili fascia ante pectus, alia deorsum ex opposito pendet, due super humeros demittuntur: quæ fasciæ purpureis crucibus sunt insignitæ. Ipsu autem pallium tribus aciculis, five spinulis aureis alliga-

tur. Fit ex lana Agnorum candidorum sine macula, qui in die sanctæ Agnetis in ejusdem Ecclesia via Nomentana singulis annis offerri ad Missam solemnem & benedici solent, ac subdiaconis Apostolicis consignari, & in aliquo Monasterio Sandimonialium nutriti, donec veniat tempus ipso condendi. Ex quorum lana texuntur pallia, quæ in Basilicam Vaticanam delata super corpora sanctorum Apostolorum Petri & Pauli ponuntur in vigilia Natalis ipsorum, ibique tota nocte dimittuntur, ac die sequenti deputatis custodienda traduntur. Pallio semper & ubique utitur Romanus Pontifex, cuius est super omnes Ecclesias summum jus ac plenaria potestas: reliqui eo uti non possunt nisi intra Ecclesiam certis quibusdam & designatis diebus, cum Missarum solemnia celebant, idque ex antiqua consuetudine, quam indicat Greg. Magn. l. 2. epist. 54. Joanni Archiepiscopo Ravennati sic scribens; „Illud, Frater carissime, tibi non putavimus ignotum, quod peude de nullo Metropolitanano in quibuslibet mundi partibus sit auditum, extra Missarum tempus usum sibi pallii vindicasse. Et l. 4. epist. 50. Vigilio Arelatensi, Pallium, inquit, transtulimus, quo Fraternitas tua intra Ecclesiam ad sola Missarum solemnia utatur. Idem statutum fuit in Synodo Romana sub Joanne VIII. edita ab Holstenio c. 3. „Quicumque Metropolitanorum per plateas vel in Litanis uti Pallio præsumperet, & non tantum in præcipiis festivitatibus, & ab Apostolica sede indicatis temporibus, ad Missarum sollemnemmodo solemnia, careat illo honore. Si tamen verum est, quod Fiodardus scribit in historia Remensis Ecclesiæ lib. 3. cap. 10. „Hincmarus, ejus Ecclesiæ Archiepiscopus, pro sua sanctitatis ac sapientiae reverentia per interventionem Lotharii Imperatoris pallium ad quoridianum suscepit usum à quarto Leone Papâ, à quo jam aliud percepérat in designatis sibi solemnitatibus debite fruendum. Quem quotidianum pallii usum nulli unquam Archiepiscopo posse concessisse, vel deinceps concessurum esse, idem Papa in epistola tunc ad cum directa testatur. Sed commentariam esse huiusmodi concessiōnem ex epistola 47. Nicolai I. ad ipsum Hincmarum, & ex ejusdem ad Nicolaum responsione manifestum est. Cum enim memoratus Pontifex sibi valde displicere scripisset, quod ille pallio uteretur ultra dies sibi ab Apostolica sede indulto, respondet Hincmarus *tomo 2. editionis Sirmundi circa finem epist. 26.* his verbis. *Postremo de pallio & mea præsumptione non certis temporibus*

& juxta

& iuxta morem alii Metropolitanis definitis uso,
unde vestre Sanctitatis auribus intimatum esse in-
dignitati mea scripsitis, auctorisati vestrae vera-
citer fateor, quod & in istis regionibus per alios, si
vobis placuerit, rescribere valebitis, quianisi in die
Natalis Dominici, & in die sancta Resurrectionis
eius, vix in toto anno eodem pallio utor. Falsi igitur
est Floiodi narratio, iplomet Hincmaro teste,
qui oppositam sibi usurpationem facile potuisset
diluere prolatore Leonis privilegio, si extitisset.
Concessum tamen Brunoni Colonensi ab Aga-
pito II. ut eo praeter consuetudinem uteretur,
quoties vellat, scribit Rogerus Monachus in ejus
vita cap. 23. apud Surium die 11. Octobris. Milo
quoque in vita S. Lanfranci Cantuariensis c. 11.
refert, Alexandrum II. duo pallia illi dedisse,
unum quod de altari Romano more accepit: al-
terum quod sua manu ei porrexit, cum quo Mi-
sam celebrare solebat, in indicium sui amoris. Pos-
set etiam pro uso quotidiano pallii afferri canon 6.
Concilii I. Matronensis, quod anno 582. cele-
bratum fuit, quo præcipitur, ut Archiepiscopus
sine pallio Missas dicere non præsumat, nulla fa-
cta dierum solemnium, & non solemnium distin-
ctione. Sed tunc forsitan non idem erant mores,
cum præsertim eo tempore solus Arelatensis in
Gallia usu pallii potuerit. Vel certè explicandus
est canon non de quotidiana, sed de solemnī dum-
texat celebratione. Quod verò vir doctissimus ex
codem canone infert, duo tunc fuisse pallia, unum
Romanum, Gallicanum alterum; & hoc quidem
usos propria auctoritate Metropolitanos, quoties
libuit; illud aurem missum à Romano Pontifice
pro certis dumtaxat & designatis diebus: hoc in-
quam accuratius examinandum foret; mihi enim
nihil haec tenus videre contigit, quo possit hac con-
jectura stabiliiri. Cæterū non omnibus Archiepiscopis
hunc honorem tributum, sed iis solum
modo qui inter ipsos præcipui erant, nemo igno-
rat, qui in veteri historia versatus sit. Num in
Gallia nemini mittebatur, nisi soli Arelatensi, de
qua re existat epistolæ Vigilio ad Auxarium, Pe-
lagii I. ad Sapaudum, & Gregorii Magni ad Chil-
debertum Regem Francorum lib. 4. epist. 53. In
Hispania soli Hispani, in Dalmatia Salonicano,
in Italia Ravennati, in Sicilia Syracusano, in Sar-
dinia Caralitano, ut ex epistoli Gregorii liquet:
sive hoc fieret intuitu Ecclesiarum seu civitatum
præ ceteris eminentium: sive ob vicariatum A-
postolicæ sedis illis Archiepiscopis tributum: quo
titulo constat Pallio item à summis Pontificibus
insignitos fuisse Archiepiscopos Corinthi, Thes-

salonicae, & primæ Justinianæ. De S. Melachis
hæc narrat Bernardus vita ipsius cap. 15. vñsum
sibi Romanum proficisci, quia Metropolitanæ sedi
deerat adhuc, & defuerat ab initio Pallii usus,
quod est plenitudo honoris. Concessum postea
fuit omnibus Archiepiscopis, ut hoc ornamento
ab Episcopis distinguenterentur. Nonnullos quoque
Episcopos interdum hoc honore affecerunt Ro-
mani Pontifices, vel intuitu meritorum, vel
alia justa de causa. A Marco Papa, qui obiit an-
no 336. concessum Ostiensi Episcopo refert An-
astasius. Siagrio Episcopo Auguſtodunensi à
Gregorio Magno, cuius extat hac de re ad illum
epistola 14. lib. 7. Actardo Nannetensi ab A-
driano II. ut ipse testatus est in Epistola ad eum
directa his verbis: „Decus tibi Pallii solo mife-
rationis affectu contulimus, ut habeas pro exilio
„& catena Pallii ornamenta, non ad Ecclesiæ
„cui incardinandus es perpetuum institutum, sed
„ad tuum speciale certique temporis usum.
Idem Privilegium habuit Theodulfus Aurelia-
nensis, de quo ipse sic cecinuit:

Soli illud opus Romani Preſulis extat,
Cujus ego accepi pallia ſancta manu.

Walo item sive Valensis Metensis Episcopus
à Joanne VIII. Pallium suscepit, propter quod
orta est controversia inter ipsum & Berulfum
Trevirensem Archiepiscopum, quam Hincmarus
Remenis compofuit. Extat epistola Joannis ad
ipsum Walonem in supplemto Conciliorum
Gallie pag. 295. cui additæ sunt notæ hac de re
ex historia Trevirenſi. Ipsum quoque pallium,
ut de ceteris fileam, Gregorius VII. Brunoni
Veronensi lib. 1. ep. 24. pollicitus est, si Ro-
manum iret: quia, inquit, Antecccſorum noſtro-
rum decrevit auctoritas, niſi præſenti persone pal-
lium non eſſe concedendum. Nunc eo utuntur per-
petuo privilegio episcopi Lucensis & Ticinensis
in Italia, & Bambergensis in Germania. Origo
ejus in utraq; ecclesia Orientis & Occidentis an-
tiquissima est. A Marco Papa concessum Ostiensi
jam diximus, at Baronius anno 336. num. 62.
Marco antiquorem putat; est autem corrigendus,
quod Phrygium à Celestino missum Cyrillo Ale-
xandrino pallium eſſe crediderit, cum proculdu-
bi capitis ornamentum fuerit, ut supra indicavi-
mus. Eiusdem meruit Isidorus Peluſiota lib. 1. ep.
136. fusus differens de ejus uſu & mystica ratio-
ne. Confirmat ejus veruſatem Liberatus Diaconus
Carthaginensis, qui in Breviario cap. 18. nar-
rat sententiam damnationis à Felice Pontifice

M m m 3 latam

latam adversus Acacium Constantinopolitanum, quamvis recipere noluerat, à quodam Monacho pallio ejus alligatum fuisse, cum ad sacra celebranda ingredereetur. Posset & pallii antiquitas astrui ex-rescripto Valentiniiani Imperatoris, quo Metropoli Ravenæ anno 432. multas subiicit civitates, eJulioque Archiepiscopo usum pallii concedit apud Rubeum in historia Ravenatum. At illud rescriptum omnino falsum & suppositum esse ostendit Baronius *tomo 5. pag. 631. editionis Romanae*: tum aliis de causis, tum quia non spectabat ad Imperatorem pallii usum largiri: quicquid in contrarium vir-doctus scripsit, qui hoc non probat. Quod vero spectat ad canonicas conciliorum generalium sanctiones, nihil de eo sanctum legimus ante octavam synodus adversus Photium, que de pallio agit can. 27. quia nimis ejus concessio omnino penderet ab auctoritate summi Pontificis, à quo etiam constituta fuit forma iuramenti, quod Archiepiscopi, antequam illud accipiant, praestare tenentur. Graeci Omophorion, & Epomadion vocant, ut Theodorus Balsamon docet *in respons. ad 11. quest. Marci Alexandrini*. Differentia tamen ingenis est inter pallium Latinorum, & Graecorum Omophorion, sive Humerale, ut Latini interpres vertunt: nam Latinum jam supra descripsimus; Graecorum vero est longa fascia ejusdem cum Latino aut paulo majoris latitudinis, colum primitus involvens, tum à collo per medium petitus infra genua descendens, crucibus itidem intertexta. Olim usque ad pedes protendebar, nam Zonaras in vita Constantini Copronymi ait: Anastasium insistentem vestigiis Germani Patriarchæ Omophorion ejus calcasse, ut sic eum moneret, ne properaret. Aliud etiam discrimen inter utrumque reperitur, quod Latinum solis Archiepiscopis tribuitur, Graecum omnibus Episcopis commune est, qui illud deponunt, cum Euangelium legendum est, & reasfum paulo ante communionem, ut docet Simeon Thessalonicensis *lib. de templo & Missa*. Plura de pallio Francisco Florens *ad tit. Decretalium de usu & auctoritate pallii: & de Omophorio Graecorum* Goar *in notis ad Euchologium pag. 312. num. 8.* Habertus *ad partem secundam liturgie ordinum observat. 3. & Morinus de sacris ordinat. p. 2. in notis ad græcas ordinat. n. 19.* ubi latè ostendit, inter pallium Latinorum & Graecorum Omophorion magnum discrimen intercedere.

De vestibus Ministeriorum, ac primū de Cappa sive Pluviali.

XVII. **H**Aec tenus de vestibus celebrantium, sive in primo, sive in secundo Sacerdotio constituti sint. Quia vero Ministri rem divinam solemini ritu facienti affidentibus, Presbyteris videlicet, Diaconis, Subdiaconis, & Clericis specialia quoque indumenta assignata sunt, de his breviter agendum est. Ordo Romanus agens de ordine Proceslionis, quando Episcopus celebraturus est: *Duo, inquit, Presbyteri ita ut ad Missam, excepto quod Cappas indui sint, vestiti ministrarent ei.* Est autem cappa, prout sumitur hoc loco, vestis ecclesiastica à sola parte anteriori aperta, ab humeris usque ad pedes protensa, quam recentiores Pluviale vocant, quia olim pluviae tempore sumebatur, ut Ferrarius *lib. 1. de reverberia cap. 39.* suscipitur. Et hinc forte emanavit, ut à parte posteriori capit is tegumentum assutum haberet, quod caput vocamus, cuius quedam forma leu vestigium in hodiernis pluvialibus remansit. Silent de hoc indumento veteres rerum Ecclesiasticarum scriptores; ejus tamen usum antiquitus viguisse ordo Romanus evincit, cui suffragantur Laofrancus *epist. 13. ad Ioannem Normanorum Archiepiscopum*, & alii quos refert Sausaius *prima parte Panoplia sacerdotalis lib. 6. cap. 5.* Gulielmum Anglicum Regem sancto Hugoni Abbat Cluniaciensi mississe cappani penè auream totam, narrat Auctor miraculorum ejus, in qua vix nisi aurum apparebat, vel margaritarum & gemmarum textus; inferius autem undique tintinnabula resonantia, ipsaque aurea pendebant. Larvus post annum millefimum extensa est Cappæ significatio ad plures vestes sacras & profanas, ut ex Glossariis patet. Cappa pro quotidiana Monachi veste utitur Gaufridus Abbas in vita sancti Petri Tarantien. *cap. 27. Tolle tibi cappam hanc manicatam.* Loquitur autem de cuculla monachali. Pro ueste communī secularium Cæsarius Cisteriensis *lib. 1. Dialog. cap. 38.* Videntes illum cappa trita atque vetusta indutum, estimantes eum scholarem pauperem & vagum, suscipere renuerunt. Pro habitu summi Pontificis Petrus Damiani *lib. 1. epist. 20. ad Cadolam Antipapam*, habes juxta morem Romani Pontificis rubeam cappam. Sunt & cappæ Episcoporum & Canonorum, quibus induiti choro intersunt, de quibus non est hic locus differendi.

D



*De veste Diaconorum. Olim colobium,
nunc Dalmatica. Ejus origo,
forma, & usus.*

XVIII. **D**iaconorum proprium indumentum nunc est Dalmatica ex institutione sancti Sylvestri, qui, ut legimus in ejus actis, praecepit ut Dalmaticis in Ecclesia uterentur, cum antea teste Alcuino Colobiis ut solerent. Erant autem colobia tunicae sine manicis, non quod prorsus manicis carerent, sed quia ad cubitum tantum pertinebant. Dalmatice vero manicatae erant, talares, sericæ, albæ, auro ornatae, & plagulis seu clavis ex purpura assutis distinctæ. In Dalmatia primum inventæ, & illinc Romanam translatæ sunt, unde & nomen acceperunt, sicut ait Isidorus lib. 19. Orig. cap. 22. Clavatas fuisse purpura præter Isidorum ibidem, afferunt alii scriptores. Ecclesiastici diversis vocibus clavos explicantes. Ait enim Rabanus, habuisse duos tramites, Alcuinus duas virgulas, Amalarius duas lineas, alii duas zonas purpureas. Remansit itaque in Dalmaticis priscus mos angustorum clavorum, ut scribit Rubenius lib. 1. de vestiaria cap. 8. qui ideo existimat, datam Diaconis Dalmaticam angusticlaviam, ut inferiores Presbyteris censemur, qui latum clavum portabant, quæ erat versis senatoria unico clavo purpureo distincta, qualia fuisse colobia Monachorum docet Dorotheus serm. 1. dicens, *signum purpureum assumimus in colobium nostrum, innuentes nos in Christi militiam adscriptos esse, & universas afflictiones ejus sustinere debere: etenim quando passus est Dominus noster, gestavit purpureum vestimentum.* Purpurâ autem etiam clericos quandam usus, patet ex Concilio Narbonensi apud Baronium anno 598. nam usum purpuræ Clericis interdixit. Hodie duobus angustis clavis ornatur Dalmatica, nullâ habita ratione coloris purpurei, imò aliquando sine clavis sit. Planeta vero uno lato clavo distinguitur, qui in multis adhuc apparet ex utraque parte in crucis figuram formatus, quia ut ait Tertullianus lib. de cor. mil. cap. 13. *Illic purpurea suæ sanguis Domini, & latus in cruce ipsius.* Dalmaticam Romanis in usu fuisse Lampridius testis est, qui de Commodo & de Heliodabalo Imperatoribus scribit in dedecus & probrui ipsorum, quod Dalmaticati in publicum processerint: vel quia mollium & deliciorum vestis censembarunt, vel quia exotica & Romanorum oculis insueta erat. Ejus mentione in Actis S. Cypriani, sed sacrane an com-

munis illa fuerit, diversæ sunt sententiae. Ego omnino communem fuisse credo: illo enim ævo nondum ad usum sacrum translatum fuerat. Eutychianus Papa constituisse dicitur in libro Pontificali, ut, quicumque fidelium Martyrem sepeliret, sine Dalmatica aut colobio purpurato nullatenus sepeliret; quod honoris causa constitutum reor. Sed cum idem honos summis Pontificibus, ac ipsis etiam (*) Diaconis tribueretur, ut Gregorius indicat lib. 4. Dialog. cap. 40. decreto suo idem lib. 4. epist. 44. sancxit, ne ferebatur, quo Romani Pontificis corpus ad sepelendum ducitur, Dalmaticis tegeretur. Differit de Dalmatica Baronius in notis ad Martyrologium die ultima Maji, cuius in ea describenda lapsus notavit Ferrarius lib. 3. de vestiaria cap. 9. Primum quoque Diaconorum ornamentum apud omnes nationes orientales & occidentales, est stola sive orarium in humero sinistro, de quo supra actum est.

(*) Et Martyribus.

De vestibus Subdiaconorum. Olim sola Alba utebantur, postea Tunicam & Manipulum addiderunt. De Planetis, quæ antiquitus communes erant omnibus Ordinibus.

XIX. **S**ubdiaconi Romanae Ecclesiae, sedentes in Apostolico throno Gregorio Magno, sola Alba induitæ suo ministerio fungebantur: quem morem alias Ecclesias ab ipsa Romana accepisse idem Gregorius assert lib. 7. epist. 64. ad Joannem Syracusiam. Postea, teste Honorio in Gemma anima lib. 1. cap. 229. duæ illis vestes peculiares tributa sunt: Tunica, quam subtile vocat, quia subtilius contexta; & sularia sive mappula, cui hodie successit Manipulus. Constat autem ex ordine Romano, magnum olim discrimen inter Dalmaticam Diaconi & Tunicam Subdiaconi extitisse: nam titulo de ordine processionis ante Missam loquens de vestibus Diaconorum stolas & Dalmaticas recenser, Subdiaconis vero sibi congruae vestes præbendas esse dicit, quæ apud quosdam, inquit, Subdiacouales nominantur, & mappula in sinistra manu erendæ: sed quæ illæ fuerint nominatim non exprimit. Nulla nunc differentia reperitur inter Dalmaticam Diaconi, & Tunicam Subdiaconi, nisi quod hujus manicæ strictiores & breviores sunt: quæ differentia sapè etiam negligitur. Diebus jejuniorum & in adventu tam Diaconi quam Subdiaconi

diaconi planetis utuntur. Quando autem, & qua occasione hic ritus coepit, non liquet. Ejus minuit ordo Romanus, à quo usus Planetæ etiam Acolythis tribuitur. Nam in ordine Ecclesiastico Romana Ecclesiæ, vel qualiter Missa celebratur, Subdiaconus, inquit, tenet Pallium Pontificis in brachio suo super planetam. Et paulò post, Subdiaconus regionarius tenens mappulam Pontificis in brachio sinistro super planetam revolutam extens ad regiam Secretarii dicit. Item, Parat Evangelium qui lecturus est referato sigillo ex precepto Archidiaconi super planetam Acolyti. Et infra. Archidiaconus suscepit amulas, quem sequitur cum scypho super planetam Acolykas. Consentit Amalarius, qui lib. 2. cap. 19. Casula, inquit, est generale indumentum sacerorum duorum, & pertinet generaliter ad omnes clericos. Item, Casula dupla est, post tergam inter humeros, & ante pectus. Nullum autem tam ordo Romanus, quam Amalarius ponunt discrimen inter planetam sive casulam sacerdotum & aliorum ordinum. Cum enim scriberent de re noctis, & eo tempore omnium oculis subiecta, non satis exprecesserunt an & quomodo hujusmodi planetæ inter se differant. In aliis autem auctoribus nihil reperio, quo hic ritus clarius explicetur. Suspicor itaque, Planetæ nomina æquivocum tunc fuisse, & pro ueste acceptum, qua sacerdotes & ministri postremò inducebantur, quæcumque illa fuerit: sicut hodie, ut supra notavimus, cappam vocamus latum illud indumentum, quo Cardinales, Episcopi, & Canonici amiciri solent, cum publicas & ecclesiasticas functiones obeunt, vel choro assistunt sacris uestibus non induti: sicut etiam cappe nomen triomphus externo amictui multorum Religiosorum, atque etiam secularium; licet multum ab invicem discrepant. Quod si disperget haec conjectura, viderint peritiores, quid de hac re statuendum sit; nam eisdem fuisse Sacerdotum, Diaconorum, & Subdiaconorum, atque Acolytorum planetas non credo, nec conveniens & verisimile videtur.

*De habitu sacro Clericorum. Quid & quale
sit Superpelliceum.*

XX. **N**unc Clerici minorum Ordinum, cum sacerdoti celebranti ministrant, superpelliceis utuntur, qua vox barbara est; & ante annos sexcentos incognita: res autem sub aliis nominibus an fuerit ab antiquis designata, incertum est. Qui à temporibus Apostolorum usum superpellicei derivant, vetusta ei vocabu-

la tribuunt; nam quidam esse Ephod contendent, alli phelonium Graecorum, alii lacernum birrum, de quo in actis Cypriani: alii amphibalum, de quo Remigius in testamento ait, *futuro Episcopo successori meo amphibalum album paschalē relinquō*: quæ omnia accuratiū examinare proposita mihi brevitas non patitur. Illud sane certum est, tempore S. Hieronymi, ut ipse testatur l. 1. adv. Pelagianos, omnem clerum in sacrificiū consummatione candidis uestibus ministrasse. Postea etiam hoc confirmari ex concilio Narbonensi anno 589. acto, quo sanctum fuit, ne Diaconus, Subdiaconus, aut Lector, antequam Missa consummetur, Alba se presumant exuere. Ex quo colligitur, etiam Clericos alba induitos sacrificio attulisse. Sicut autem alba talaris est, ita etiam superpelliceum talare olim fuisse Stephanus Tornacensis, qui vivebat anno Christi 1180, testis est epist. 123. ad Albinum Cardinalem, cui mittit superpelliceum novum, candidum, & talare. Honorus similiter de indumentis Clericorum differens lib. 1. cap. 232. uestem esse ait laxam & talarem. Successu vero temporis decurtatam esse concilium B. silense ostendit sess. 21. ubi decernens quomodo divinum officium in ecclesia celebrandum sit, præcipit clericis habere tunicas mundas, & superpellicea ultra medias tibias longa. Nunc adeò detruncata sunt, ut vix ad genua pertingant.

CAPUT XXXV.

De Missæ apparatu in vasis, suppellicili, lumenaribus, Incenso, Ministris, Cantoribus, & aliis, quæ infra separatis indicantur.

Post Sacerdotum & Ministrorum indumenta sequuntur ea quæ propius ipsum sacrificium attingunt, sacra scilicet vasa, supplex & ornatus altaris, & reliqua ad Missæ apparatum pertinentia, de quibus breviter agendum est.

De Calice, ejusque origine & materia. Lignos quandoque fuisse, lapidios, & corneos; aneos item, & stannos. Actum fusius de vitreis. Ecclesiam non nisi aureos & argenteos approbasse. Addita his gemme & alia ornamenta. Quidam calices cum ansis. Quidam maiores, & minores; ministeriales, & Baptismi.

I. A Calice